



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0017541 19
Sarajevo, 15.09.2022. godine

SUD
BOSNE I HERCEGOVINE
SARAJEVO
Sudiji za prethodno saslušanje

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv:

1. Kršo Anela, [REDACTED], rodenog [REDACTED] 1985. godine u Sarajevu, [REDACTED] državljanina Bosne i Hercegovine, [REDACTED]

2. **Srebrenica Armina**, [REDACTED] rođenog [REDACTED] 1995. godine u Fojnici, [REDACTED] državljanina Bosne i Hercegovine, [REDACTED]
3. **Komšić Vinka**, [REDACTED] rođenog [REDACTED] 1995. godine u Kiseljaku, [REDACTED] državljanina Bosne i Hercegovine, [REDACTED]

zbog postojanja osnovane sumnje da su:

dana 02.03.2019. godine na Međunarodnom graničnom prelazu „Brod“ na ulazu u BiH iz Republike Hrvatske, po prethodnom dogovoru između Kršo Anela i Komšić Vinka da Komšić Vinko u ime i za račun Kršo Anela, kao vozač autobusa prevoznika [REDACTED], preko carinske linije, sa područja Republike Slovenije u Bosnu i Hercegovinu, izbjegavajući mjere carinske kontrole, prebaci na teritoriju Bosne i Hercegovine supleme-dodatke ishrani, Komšić Vinko i Srebrenica Armin, kao vozači prevoznika „[REDACTED]“, u prtljažniku autobusa prevoznika [REDACTED], registarskih oznaka [REDACTED], izbjegavajući mjere carinske kontrole, suprotno članu 4. stav 1. tačka 14. i 15., te članu 34. stav 1. Zakona o carinskoj politici BiH (Sl. glasnik BiH br. 57/04), preko carinske linije, sa područja Republike Slovenije na teritoriju Bosne i Hercegovine, prenijeli supleme-dodatke ishrani i to: 2760 komada antioksidanta [REDACTED] upakovanih u 92 kutije sa po 30 komada, 1080 komada detoks [REDACTED] upakovanih u 36 kutija sa po 30 komada i 960 komada suplementa [REDACTED] upakovanih u 32 kutije sa po 30 komada, ukupne tržišne vrijednosti 21.600,00 KM, koje su na teritorije Republike Slovenije, od nepoznatih osoba preuzeli, utovarili u prtljažnik automobila i povezli u pravcu Bosne i Hercegovine, a koja robu su pronašla i oduzela ovlaštena službena lica Uprave za indirektno oporezivanje Bosne i Hercegovine, prilikom pregleda autobusa na autobuskoj stanici u Sarajevu,

dakle, osumnjičeni Kršo Anel s umišljajem drugog podstrekavao da učini krivično djelo, a osumnjičeni Srebrenica Armin i Komšić Vinko, zajedno, preko carinske linije, prenijeli robu veće vrijednosti, izbjegavajući mjere carinske kontrole,

čime su počinili, osumnjičeni Kršo Anel krivično djelo Krijumčarenje iz člana 214. stav 1. KZ-a BiH, u vezi sa članom 30. KZ-a BiH, a osumnjičeni Srebrenica Armin i Komšić Vinko krivično djelo Krijumčarenje iz člana 214. stav 1. KZ-a BiH, u vezi sa članom 29. KZ-a BiH,

TUŽILAC
TUŽILAŠTVA-TUŽITELJSTVA BiH